

درسعادته یکی پوسته خانه قارشوسنده
 دائرة مخصوصه در
 محل اراهه:

مشرط القيم

انظار:

مسلكمزه مواتق آثار جديده مع المنونيه قبول اولنور
 درج ايديلمين آثار اعاده اولنور

دين، فلسفه، ادبيات، حقوق و علوم دن باحث هفته لق رساله در

مؤسسلری: ابوالعلا زين العابدين - ح. اشرف اديب

تاريخ تأسيسی:

۱۱ تموز ۳۲۴

درسعادته نسخه سی ۵۰ پاره در

تيريله دن مقوا بورو ايله كوندريليرسه سنوی
 ۲۰ غروش فضله آلنير.

درسعادته پوسته ايله كوندريليرسه ولايات بدلی اخذ اولنور.

سنه لکی	القی ایاهی	درسعادته
۳۵	۶۵	ولاياتده
۵۰	۹۰	ممالك اجنبیه ده
۵۰	۹۰	غروشدر.

ترنجی سنه

۳۲۶ ذی الحجه ۱۸ بازار ایرتسی ۲۹ کانون اول ۳۲۴

عدد: ۲۰

اسلام و ترك عالمی :

تورك درنگی

قوم نجیب توركك انقسام ابتدیی شعوبیله برابر بقای موجودیتی امرنده کی احتیاجات حقیقیه سنك نه کی شیلردن عبارت اولدیغنه دأر، لکن نسخه منزی روسیه ده کی دین قرداشلرمزدن ع. سونندك نام ذاتك مفید، عبرتبخش بر مقاله سی تزین ایتیش ایدی. موضوع مقاله قومیتزك مسئله حیاتیه سنه تعلق ایلدیکده اولدینی جهته و طنزده کی ارباب اختصاصك نظردقترینی دعوت ایتکی وجائب جیتدن عد ایلش ایدك. اخیراً استبشار ایتدیگمزه کوره ذوات مشار الیهم امنیه معروضه پی تعقیباً، اسلامیتك تکملات دینه بشاریله خاطراتی ابدیاً حافظه آرای اهل ایمان اولان ایام مسعوده سنه مصادف اشبو عید سعید اضحانك اوچنجی صالی کونی، وطنك کزیده اولادینك منشای اولان بر مؤسسه عالیده، دارالفنون و مکتب ملکیه بناسنده تیناً اجتماع ایدرك، مرکزی دارالخلافهده بولنه حق اولان «تورك درنگی» نامیله بر جمعیت علمییه تأسیس ایلشلدرد.

جمعیت محترمه «تورك» دیه آکیلان قوملرك ماضی و حالده کی آثار، افعال و احوالی اوکرنمک و اوکرنمک چالیشه حق، یعنی توركلرك آثار عقیقه سی، تاریخ، لسانلرینی عوام و خواص ادبیاتی، اتنوغرافیا و انتولوغیاسی، احوال اجتماعی و مدنیة حاضرلرینی و تورك مملکتلرینك اسکی و یکی جغرافیاسی تدقیق و تحقیق ایله اوغراشوب نتایجی نشر و اشاعیه چالیشه حق و مدار قوام قوم اولان وحدت لسانی تأمیناً توركجه نك ساده لشدیریلرک کوزلشمه سنه صورت مخصوصهده بمنه الکرم اعتنا کوستره جکدر.

اشبواجتماعده جریان ایدن مذاکرات نتیجه سنده جمعیتك نظامنامه اساسیسی قلمه آلتیش و هیئت اداره اعضاسی انتخاب و واسطه نشر افکار اولق اوزرهده رساله من تنسیب ایلشلدرد.

صراط مستقیم، تمنیاتنك عهد قریبه حیز آرای حصول اولسی امکاتی کوستره جك آثار مشروحه دن طولایی اعلان بختیاری ایتمکله برابر، شومقصد عالییه دائماً حصر موجودیتله افتخار ایدره و حقنده کی توجهات عالییه تشکرله، ادعیه موقعیه تردیفاً مؤسسین محترمه پی و بتون تورك عالمی تبریکه مسارعت ایلر...

قونفرانس

توركلكه دأر

مقرری
ح. اشرف ادیب

مقرری
احمد مدحت افندی

استانبولده تحصیلده بولونانه «روسیه لی اسلام طلبه سی جمعیتی» نك دلالت مهارت و درانه سید، فونیه قرائتخانه سنده توركلك منشأ، اتنو غرافیه، دور استنبوطه دأر حکیم و مورخ شهر احمد مدحت افندی

مضمرتلری طرفندره ویریلن قونفرانس در. مشارالیه مضمرتلرینك ده نظر نصیح فاضله لرندره کچمشدرد.

[صحنه خطابتی ایلک تشریف ایدن مکتب ملکیه مأذونیتندن و مکتب حربیه لسان معلی قزانی موسی بك افندی شویله بر نطق افتتاحی ایله احمد مدحت افندی پی جاعته تقدیم ایدیور:]

مملکتیز بیوک بر انقلابه مظهر اولدی. بردوره مسعودیه کیردی. زمان سعادتده کی سربستی وجدانه مالک اولدق. بونك مشروطیت سایه سنده اولدیغنی ایضاحه حاجت بوق. جمعیات مختلفه تشکل ایتدی. نیچون؟ ترقی و تعالی اسلام ایچون. جمعیتلر مختلف اولقله برابر مقصدلری بر در. طبق علم ثروتنده کی تقسیم اعمال قاعده سی کی کوروله جك ایشلری تقسیم ایتشلردر. بر غایه یوربورلر. ساحه ترقی پی توسیع ایدرك یوربورلر. مقصدلری عثمانیتك، اسلامیتك تعالی و ترقیسنی تأمیندن عبارت. جمعیات مختلفه میاننده کوچو جك بر جمعیت ده «روسیه لی اسلام طلبه سی جمعیتی» در. بوجعیت بر قونفرانس اعطاسنه قرار ویردی. قونفرانك اعطاسیچون ارباب همه مراجعت ایتدی. قزانده، قریمده، ترکستانده، اقطار جهانده، بوجعیت نظرنده مقتدر محرریندن طائمش بر قاج ذات وار. بولردن برنجیسی احمد مدحت افندی حضرتلری در. بو ذات لسان عثمانی پی ساده لشدیرمشدرد. ثانیاً: فنه خدمت ایتمشدر. ثالثاً: عثمانیغه خدمتده بولونمشدر. رابعاً: اقوام ترکیه یه دأر تبعده بولونمشدر. کتبخانه لر تشکیل ایدنه جك قدر آثار میدانده کتیرمشدرد. بوسبیه مبنی قزانی اسلام شاگردان جمعیتی بو ذات محترمی دعوت ایتدیلر. اوده قبول بیوردیلر. بو عاجز، شاگردان جمعیتی نامنه، تشریفلردن طولایی تشکر ایدرم، کندیلرینی تقدیم ایله ده مقننر اولورم.

[احمد مدحت افندی کرسی خطابتی تشریف ایدیورلر. بیکارجده شبان ملتك شدتلی آلتیشلرینه متواضعانه، متشکرانه سلاملرله مقابله ایدیور. احمد مدحت افندی صندالی خطابتهده اوطوریورلر. اطرافنده تورك لساننه و توركلكه عالم تبعاتلریله کسب اشهار ایدن ولد چای افندی، نجیب عاصم بك حضراتی کی اکابر مدققین و مؤلفین شرفبخش عرفان اولیورلر. بتون انظار مستمعین صحنه یه معطوف. بر ایکی دقیقه قدر مکث و توقفدن سوکرا مدحت افندی باشلا یورلر:]

افندیلرم! یکرمیش سنه قدر مدتدنبری بر معیشت مردم گزانه دن سوکرا شوکتلو مآلک قارشوسنده اثبات وجود شرفنه پی مظهر ایدن «روسیه لی اسلام طلبه سی جمعیتی» نامنه عرض تشکر و امتداری ایلرم. بحمد تعالی اولاد وطن ایچنده بولونه رق بر قاج سوز سونلک شرفنه نائل اولدم. بویله بر جمعیت محترمه مبارکه قارشوسنده سوز سونلکه آلیشقین اولمدیغمز ایچون اول باول عفولرینی بوجعیت محترمه دن رجا ایدرم.

شیمیدییه قدر بزم معیشتز ذاتا بر پارچه حق عزات گزینانه ایدی. بر زمان سوکرا بر برمنی کورمک ایچون الله بولونان کوچك بر

وقلاً خدمت جهتیله اقوام ترکیه پک چوق ملتاردن زیاده مفاخر بولوب اومفاخر ایله مفتخر اوله بیلیر .

زمین جهتیله واسع دینک . زیرا بوکون جغرافیای اتنوگرافی بزه کوسترکه روی ارضک، درت دکلسده ، بشده بریسی نفوذ ترکی داخلنه کیرمیشدر . برکزه چینک شمالی تمامیه ترکدر : مغولستان ، ترکستان ، تبت قسمی هپ ترکدرلر . آسیای وسطی معلومکز . ذاتاً جغرافیایچه اسمی ترکستان : سیریا ، وانا وادیسی ، تکمیل آسیای شرقی یعنی هندستانک نصف شمالیسی ایله افغانستان ، بلوچستان و شمال جهتندن ایران هپ ترکدر . حالبوکه ترکک نفوذی بحر بالطقه قدر کیتش . فینوالر ترکدر . لسان جهتیله یالکزکات دکل ، ترکیات لسانیه جهتیله ده ترکمنسودر . مجارلرده کذا بویله در . مصر ، طرابلس غرب ، تاحدود فاسه قدر آفریقای شمالی هپ ترککلک دائرة استیلاسی ایچنه کیرمش پرلدر . بناء علیه روی ارضده بوقدر واسع برقطعه ده منتشر اولمش ترکدن باشقه هچ بر قوم بوقدر .

زمان جهتیله ده هر ملتدن اسکی اولمق ادعاسنده بولونغه ترکلرک حق واردر . زیرا تاریخک بزه اک اسکی ملتاردن اولمق اوزره خبر ویردیکی ملتلر ، کلدانیلر ، هندیلر ، چینیلردر . بونلرک روایاتی جمع اولنورسه ترککلک ، ترک جنسک بونلرک کافه سنه تقدیمی ظاهر اولور . علم تاریخده برشی واردر . افندیلم ، اقوام و مللک بربرینه مناسبتی تعیین ایچون بر اصول واردر . بواصول اولا « فیلولوژی » ، یعنی « علم مقابله السنه » دنیلن علم نقطه نظرندن هانکی لسان دیکرهانکی لساندن مشتق اولدیغنی تحری اتمک اصولدر . باقشارکه بولسان اولساندن ، اوده دیکر شو لساندن مشتق اوله اوله لسانلرک موردی شرقه طوغرو یوریور . یعنی مرکز اشتقاق اورالری اولدیغنی تحقق ایدیور .

کذلک هر ملتک یککلرنده ، سیالرنده ، طبیعتلرنده اجرای تدقیقات ایدنلر یعنی اتنولوژی فنی نقطه نظر اتخاذا یلینلر شوملت شوملتدن ، اوده دیکر شو ملتدن ... الخ ... شعب اتمش اولدیغنی کورمشار . ایشته بویله بر طاقم تحریاته قویولورلر . بوده طبق لسان کی انسال وانساب ملل ونخلک بو طرفلردن شرقه طوغرو کیتدیکنی کوستریور . اشبوتدقیقات فیلولوژی و اتنولوژی ده هندستان و چین و ژاپونیا طرفلردن تطبیق ایدنجه انلرک دخی شمال و غرب طرفلردن منتشر اولمش بولندقلری تحقیق ایدیور . ملتلرک توارث ایلدکلری روایات قدیمه سنکده شهادتلیله ثابت اولیورکه بونلرک محل انتشارلری همالایا طاغلری در . باخصوص آلتای طاغی که ینه همالایا جله سندن دیمک در .

مابعدی وار

۱۹۰۶-۱۹۰۷

مواعظ

مقرری : مناستری اسماعیل حق
محرری : سیروزی ح . اشرف ادیب

درس : ۵۱ — ۲۶ ایلول ۳۲۴

فرانسه وانکلتره فی الواقع آوستریا ایله رقابت ایده من . چونکه او دائماً چوروک مال صانار . اشتاین ، اوروزدی باق ، تیرینگ ... هپ اوقیلدن . هله بایرام اوستی هپسی بشر یوز بیک لیرا آلیش و پریش

اقتداری دخی سلب ایتدیله . یکریمی سنه در بکقوز جوارنده کی طاغلره ، چفتلکمه چکیله رک امرار حیات ایتدم . چونکه باشقه درلو جای سلامت بوله ماز ایدم . اوراده بیله اوچ آی کچمز بر استمزاج ، بر استجواب ، یعنی اوزرمزده بر یوک بولوندیغنی اخطار ، او یوکک آلتدن قورتولمق مقصدیله اختیار اوله جق ذره قدر بر حرکتک نه کی فجایی مستلزم اوله جغنی افهام ایچون صاعقه بلا شکلده بر صدمه ده دوچار اولوردم . بو حالده جهانه قرشی کوز یومق ، بو حالده هچ برشی ایشتمه مک لازم کلیدی . بو حالده هچ برشی سوبله مک لازم کلیدی . اویمه کیدوب کلدکجه واپورلرده اویومنی اعتیاد ایدینشیدم . احبابک « کجه اویوما یورمیسک ؟ » بوللو سؤالرینه برسکوت مظلومانده دن باشقه بر جواب بوله میوردم . چونکه اویانیق بولمق حقندن محروم ایدم . دکل که بویله یوزلرجه اولاد وطنک قارشوسندن بولنه بیلک . کورمه مک ، ایشتمه مک ، سوبله مک تأثیراتی طبیعتزده اوله بر حکم کوسترمشیدی که « صم ، بکم ، عمی ... فهم لایعقلون » سرینه عادتاً مظهر اولمشدق . ذاتاً سوز سوبلکده کی اقتدار سز لغمه برابر اون بش ، یکریمی سنه ده بو عزله محکوم قالدقن صوکر املکتزک اککزیده اولادی قارشوسنده سوز سوبله بیله نک نه قدر بر امر دشوار اولدیغنی بیانه حاجت یوقدر . بناء علیه عفویکنزی استرحام ایدرم .

روس مسلمانلریله مناسبتیم ایچمه قدیم در . هر سنه روسیه دن کلن حجاج کرام ایچریسنده کرک عللادن ، کرک اغنیادن بر چوق ذوات استانبوله کلیرلر . سایه کزده ، سایه ملتده یک چوق قصورله برابر قاره لامش اولدیغم اوراق پریشان نصلسه نظر رغبتله کورولدیکندن انلری یازانی دخی کورمه کلیرلر . کندی تجدد معارفلری امرنده بعض افکار تعاطیسنه کلیرلر . بعض سیاسیه دائر دخی سوز اولوردی . بعضاً استانبوله اکیال تحصیل ایدنلر کندی ملکتلرینه کیدوب وطنلری اولادینه نشر علوم خدمتده بولنلری ایچون لازم کلن وصایاده بوانوردم . حاصلی الدن کادیکی درجه خدمت ایدرم یعنی بی دعوت ایدن روسیه لی طلبه ایله معارفم بواقشام پیدا اولما مشدر .

بواقشام بحث اتمک ایچون دعوت ایدلریم مسئله غایت واسع بر مسئله در ، زمین جهتیله ده ، زمان جهتیله ده . زیرا ملت معظمه ترکیه نک احوالنه دائر برقچ سوز سوبله مک آرزو ایدلدی . معلوم عالیکز هر کس هر ملت کندینه بر طاقم مفاخر آرار . کیسی قدم جهتیله افتخار آرار ، کیسی بیوکک ، کتله نک بیوککلکی جهتیله افتخار آرار ، کیسی جمماً ، جمماً بیوککلکدن قطع نظر معارف بشریه ، مدنیت انسانییه خدمتله افتخار آرار . « کل حزب بالمدهم فرحون . » بو ، طبیعی برشی در . شمیدی قدر بز اقوام ترکیه بورالره پک التفات ایتمه مشدک . بونک اسبابی بز ترقی ، مدنی ، معارفی کندی دائرة خصوصیه مزده آرامش . آباء واجداد وطنی اونوتمش . فقط بوندن صوکر آرایه جغز ، زیرا کرک قدیمی جهتیله ، کرک روی ارضده منتشر اولدیغنی مالکک وسعتی جهتیله ، کرک کندی حیاتیله و کرک ملت معظمه اسلامیه ، دین مبین اجدییه سیفاً